



CONCELLO DE VIGO
Secretaría de Goberno Local

D^a. PATRICIA RODRÍGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 9 de agosto de 2024**, adoptou o seguinte acordo:

11.- SUBVENCIÓN NOMINATIVA AO CONSERVATORIO SUPERIOR DE MÚSICA DE VIGO PARA O FINANCIAMENTO DO PROGRAMA “IX FESTIVAL DA MÚSICA E DAS ARTES NAS ONDAS” DURANTE O EXERCICIO 2024. EXPTE. 5601/330.

Visto o informe xurídico do 12/07/2024 e o informe de fiscalización do 01/08/2024, sométese a aprobación o informe-proposta de data 11/07/2024, asinado polo xefe do Servizo de Xestión e Promoción Cultural e conformado polo concelleiro-delegado de Cultura, a concelleira da Área de Goberno e polo concelleiro da Área de Goberno de Orzamentos e Facenda, que di o seguinte:

Con data 17 de xuño do 2024, o Conservatorio Superior de Música de Vigo presenta escrito de solicitude de subvención para a organización do " IX Festival da Música e das Artes nas Ondas 2024"; por este motivo, con data 27 de xuño, o concelleiro-delegado de Cultura resolveu que por parte desta xefatura se iniciase o expediente de subvención correspondente con esta entidade para regulala, polo importe de 4.000 € con cargo á aplicación orzamentaria 3340.480.00.12 do orzamento municipal vixente.

ANTECEDENTES.-

O Conservatorio Superior de Música de Vigo é un centro educativo dependente da Consellería de Cultura, Educación e Ordenación Universitaria da Xunta de Galicia, creado na nosa cidade no ano 1956, que ademais realiza actividades de tipo cultural abertas a toda a cidadanía, entre elas o programa **FESTIVAL DA MÚSICA E DAS ARTES “NAS ONDAS”**, que serven como medio de promoción e dinamización da cultura da cidade e que celebra a quinta edición. O obxectivo fundamental do programa é a difusión das Artes Escénicas en xeral, con maior fincapé nas musicais e tamén quere dar a oportunidade ao desenvolvemente artístico e novos talentos, estudantes e persoas recén tituladas que poidan convivir nun espazo artístico con persoas de renome e traxectorias mais marcadas no ámbito da música.

PROGRAMA E ORZAMENTO:

O programa do “ IX **FESTIVAL DA MÚSICA E DAS ARTES NAS ONDAS 2024**” foi o seguinte:

Febreiro			
Martes 20 20 h	Semana Internacional Erasmus – Docentes Ucrania Docentes da Ukrainian National Tchaikovsky Academy of Music – Kiev	SON ERASMUS	Auditorio Martín Códax
Xoves 22 20 h	Semana Internacional Erasmus – Docentes Ucrania Docentes da Kharkiv "I.P. Kotlyarevsky" National University Of Arts	SON ERASMUS	Auditorio Martín Códax
Luns 26 19 h	Gambistas de Son das Flores Un proxecto colaborativo entre a clase de viola da gamba do CSMVigo e a Orquestra Son das Flores	SEMANA DA MÚSICA ANTIGA	Auditorio Martín Códax
Luns 26 e Martes 27	Introducción á danza histórica e a súa aplicación práctica para músicos Docente: Diego Ruenes	SEMANA DA MÚSICA ANTIGA	Aula de Orquestra e Auditorio Martín Códax
Martes 27 de 18 h a 20 h	"Corpos Sonoros" Improvisacións entre a Música Antiga e a Danza Contemporánea	SEMANA DA MÚSICA ANTIGA	Auditorio Martín Códax
Mércores 28 19 h	Recital de clave. Obras de Purcell, Bach, Scarlatti Olha Dotsenko, clave	SEMANA DA MÚSICA ANTIGA	Auditorio Martín Códax
Xoves 29 20 h	Ye Gentle Spirits Orquestra barroca do CSMVigo. Dirección: Pavel Amilcar e Rafael Muñoz	SEMANA DA MÚSICA ANTIGA	Auditorio Martín Códax
Marzo			
Luns 4 20 h	When in silence of the soul. Fanny Mendelssohn e o seu tempo Presentación de CD Paula Rios, Piano	DE PIANO	Auditorio Martín Códax
Martes 5 20 h	Un viaxe pianístico Cristina Redondo, Diana Lisnycha e Nicolás Alén	DE PIANO	Auditorio Martín Códax
Mércores 6 20 h	El piano en la música española Mirta Arribas, David Buceta , Alba Feijoo, Sergio Rodríguez, Oscar Paniagua (piano), Livia Leal, Bohdana Khita (canto)	DE PIANO	Auditorio Martín Códax
Xoves 7 20 h	"Dirixir e tocar... Todo é interpretar" Divertimentos con piano de Haydn e Mozart Clases de piano de Nicasio Gradaille e de dirección de Javier Viceiro	DE PIANO	Auditorio Martín Códax
Xoves 7 15 h	"Harpichord Universe: Cultural Contexts of the Munich and Ukrainian Schools of Music" (Relatorio online) Olha Dotsenko (Relatora)	SEMANA DA MÚSICA ANTIGA	Relatorio online
Venres 8 20:30 h	A Consort Fantasy, música para voz e consort de violas de Henry Purcell Consort de violas da Gamba do CSMVigo, Rafael Muñoz (archilaúd) e Magna Ferreira. Sara Ruiz (dirección) Concerto en colaboración co II Festival de Música Antigua Ai Ondas e a Asociación Coro de voces Graves de Vigo	SEMANA DA MÚSICA ANTIGA	Igrexa de San Francisco (O Berbés)



CONCELLO DE VIGO
Secretaría de Goberno Local

Martes 12 20 h	ClariNext III Concerto clarinete e piano: Javier Pousa Cabaleiro (clarinete) e Severino Ortiz Rey (piano)	V SEMANA INTERNACIONAL DO CLARINETE	Auditorio Martín Códax
Mércores 13 20h	Concerto alumnado Erasmus+ da V Semana Internacional do Clarinete	V SEMANA INTERNACIONAL DO CLARINETE	Auditorio Martín Códax
Xoves 14 19:30 h	Concerto profesorado convidado Erasmus+ Teddy Ezra, Chen Halevi, Barbara Borowicz, Csaba Pálfi, Anton Dressler, Roberto D'Urbano, Lorenzo Coppola (clarinete). Severino Ortiz e Imre Dani (piano)	V SEMANA INTERNACIONAL DO CLARINETE	Auditorio Martín Códax
Martes 19 20 h	Semana Internacional Erasmus – Docentes Balcáns	SON ERASMUS	Auditorio Martín Códax
Xoves 21 20 h	Semana Internacional Erasmus – Docentes Balcáns	SON ERASMUS	Auditorio Martín Códax
Abril			
Xoves 4 20 h	«Sons de proximidade». A fruta en Galicia e Portugal Adriana Ferreira (fruta travesa), Fernando Raña Barreiro (fruta travesa) e Rasa Biveiniene Yakutyte (piano)	EXPLURART	Auditorio Martín Códax
Xoves 11 20 h	TAMBATÁ Carlos Docampo, Alberto López e Roi Adrio	PERCUSIÓNFEST	Auditorio Martín Códax
Venres 12 20 h	Concerto compartido CMUS Profesional de A Coruña, CMUS Profesional de Carballiño, CSM A Coruña, CMUS Profesional de Vigo e CSM Vigo	PERCUSIÓNFEST	Auditorio Martín Códax
Martes 16 20 h	Semana Internacional Erasmus – Docentes Asia	SON ERASMUS	Auditorio Martín Códax
Xoves 18 20 h	Semana Internacional Erasmus – Docentes Asia Docentes do "Kurmangazy Kazakh National Conservatory" - Almaty - (Kazajistán)	SON ERASMUS	Auditorio Martín Códax
Martes 23 20 h	Aula de Saxofón do Cmus Profesional de Música de Vigo Candela Teijeira Pérez, Inés Santana Vilar, Rubén Guerreiro Álvarez, Iago Ríos Monge e Diego Campo Meréns. Profesores: Patricia Cadaveira Martínez e Alexandre Gallego Medal	SAXORNADAS	Auditorio Martín Códax
Mércores 24 20 h	Stage: Dúo saxofón e piano Bruno Santos (saxofón barítono) Pablo Rodríguez (piano)	SAXORNADAS	Auditorio Martín Códax
Xoves 25 20h	Recital de saxofón Juana Palop Teclas (saxofón) Pablo Rodríguez (piano)	SAXORNADAS	Auditorio Martín Códax
Venres 26 20 h	Recital de saxofón Alvaro Collao de León	SAXORNADAS	Auditorio Martín Códax
Martes 30 20 h	... música, onte-hoxe... Manuel Morales (fruta) e Raúl Rodríguez (piano)	EXPLURART	Auditorio Martín Códax
Maio			

Xoves 2 20 h	Trio clarinete, violonchelo e piano Esteban Valverde (clarinete), Ana Torres (violonchelo), Cristina García (piano)	EXPLURART	Auditorio Martín Códax
Luns 6, 19 h	Orquestra do CMUS Profesional de Ourense Raquel Carrera Álvarez (directora)	ABRENTE	Auditorio Martín Códax
Martes 7 20 h	Un percorrido pola América do S. XX Orquestra Sinfónica do CMUS Profesional de Santiago de Compostela. Carmen María Ferreiro Soto (directora)	ABRENTE	Auditorio Martín Códax
Mércores 8 20 h	Coro do CSMVigo Amalia Guerrero Rocha (directora)	ABRENTE	Auditorio Martín Códax
Xoves 09 18 h	Orquestra Sinfónica do CSMVigo Juan Carlos Díaz (director)	ABRENTE	Auditorio Martín Códax
Xoves 09 20 h	Banda de Música do CSMVigo Juan Carlos Díaz (director) Javier Jurado Luque (presentación)	ABRENTE	Auditorio Martín Códax
Martes 14 20 h	Concerto de poesía musicada Departamentos de Canto, IMTP, Produción e Xestión e Equipo Dinamización da Lingua Galega	LETRAS GALEGAS	Auditorio Martín Códax
Xoves 16 20 h	Oito séculos de guitarra galega Isabel Rei Samartín, guitarra e comentários	LETRAS GALEGAS	Auditorio Martín Códax
Martes 21 20 h	A fruta e a arpa en Galicia Fernando Raña (fruta travesa) e Alba Barreiro (arpa)	LETRAS GALEGAS	Auditorio Martín Códax
Xoves 23 20 h	D. Shostakovich: Sinfonía nº 15, en La maior, Op. 141 Mario Peris (Violín), Álvaro Quintanilla (Violonchelo), Nicasio Gradaille (Piano), Carlos Castro, David Rodríguez e Pablo Soto (Percusión)	EXPLURART	Auditorio Martín Códax
Martes 28 20 h	"QUEL SGUARDO" Beatriz Arenas (soprano) e Diego Ruenes (clave)	EXPLURART	Auditorio Martín Códax
Xoves 30 20 h	Conversacións Románticas Mario Peris (Violín), Vania Collazo (Violín) Laura Puga (Viola), Alvaro Quintanilla (Violoncello), Severino Ortiz (Piano) e José Antonio Campo (Tenor)	EXPLURART	Auditorio Martín Códax
Xuño			
Martes 4 20 h	Concerto de premiados no X Concurso de Música de Cámara do CSMVigo	ABRENTE	Auditorio de Praza do Rei
Martes 11 20 h	Acto de Graduación e Clausura do Curso Académico 2023-24	ACTO GRADUACIÓN	Auditorio Martín Códax

A memoria económica que se achega a esta proposta, incorpora o orzamento xeral de gastos e ingresos do programa polo importe total de 7.565,63 € (sete mil cincocentos sesenta e cinco euros con sesenta e tres céntimos) financiándose coas seguintes achegas:

- Concello de Vigo: 4.000 euros
- A chega da entidade : 3.565,63 euros



CONCELLO DE VIGO
Secretaría de Goberno Local

DOCUMENTACIÓN.-

Por parte da asociación, presentouse a documentación relativa ao expediente de subvención, que está integrada pola seguinte:

- Solicitud e autorización á consulta dos datos tributarios
- Memoria e orzamento da actividade
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Seguro de responsabilidade civil.

LEXISLACIÓN APLICABLE.-

A concesión da subvención que outorgue o Concello de Vigo ao Conservatorio Superior de Música de Vigo, para a organización do " IX Festival da Música e das Artes Vigo nas Ondas 2024", rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

O Plan Estratéxico de Subvencións para o período 2024-2026 aprobouse por acordo da Xunta de Goberno Local do 08.03.2024, rectificación de erros do 15.03.2024 e publicouse no Sistema Nacional de Publicidade de Subvencións e Axudas Públicas e no portal de transparencia do Concello de Vigo.

A concesión da subvención que outorgue o Concello de Vigo ao "Conservatorio Superior de Música de Vigo", para a organización do " IX Festival da Música e das Artes Vigo nas Ondas 2024", se axusta as directrices, obxectivos estratéxicos e plans de acción sinalados no anexo do Plan estratéxico de Subvencións 2024-2026 do Concello de Vigo para a Área de Cultura, no que se refire ás subvencións nominativas para o financiamento de actividades socioculturais

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

A concesión da subvención directa á entidade "Conservatorio Superior de Música de Vigo" deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2024, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello e marcada diferenza coa oferta doutras entidades, polo cal non procede promover a concorrència para o seu outorgamento.

ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde as materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

FINANCIAMENTO DA SUBVENCIÓN.-

A subvención do Concello de Vigo á entidade "Conservatorio Superior de Música de Vigo" ten como obxecto financiar a organización do "**IX FESTIVAL DA MÚSICA E DAS ARTES NAS ONDAS 2024**" figurando na aplicación **3340.480.00.12** do orzamento municipal vixente a concesión dunha subvención nominativa por importe de 4.000 €, a favor da entidade.

A subvención do Concello de Vigo á entidade " Conservatorio Superior de Música de Vigo" é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan na proposta.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, tralos informes xurídico e da Intervención Xeral do Concello de Vigo, faise a seguinte

PROPOSTA Á XUNTA DE GOBERNO LOCAL.-

"PRIMEIRO.- Aprobar a concesión directa da subvención de 4.000 euros (catro mil euros) ao Conservatorio Superior de Música de Vigo, CIF. Q-8650014G, para o financiamento do IX Festival da Música e das Artes Nas Ondas 2024, organizado por esta entidade; e autorizar e dispoñer o devandito gasto con cargo á aplicación orzamentaria 3340.480.00.12 "SUBVENCIÓN CONSERVATORIO SUPERIOR DE MÚSICA. FESTIVAL NAS ONDAS", que figura no orzamento municipal vixente do Concello de Vigo.

SEGUNDO.- As condicións que rexirán a subvención serán as seguintes:

OBRIGAS DA ENTIDADE

1.E de responsabilidade da Entidade :

- A organización das actividades a través dun equipo de profesionais dirixidos e/ou supervisados pola ENTIDADE,
- A organización integral do programa, a súa ampla difusión e a dispoñibilidade dos espazos, e solicitude, de ser o caso, dos permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
- Cumprimento do programa obxecto da subvención e o abono dos gastos relativos á organización da actividade, tanto directos como indirectos (contratacións, produción, dereitos de autor derivados



CONCELLO DE VIGO
Secretaría de Goberno Local

da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).

2. Actuará como interlocutor único ante a CONCELLERÍA D. Esteban Valverde Corrales, director do CSMVigo.

3. Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.

4. Ter incorporado os anagramas-logotipos do Concello de Vigo nos elementos de difusión da actividade subvencionada

5. Comunicar á CONCELLERÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.

A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).

6. A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.

7. Responsabilizarse fronte a calquera dano que se cause a terceiros con ocasión do desenvolvemento do programa e a ditos efectos ter contratado e dispoñer dunha póliza de seguro de responsabilidade civil que atenda calquera accidente ou incidencia que se puido producir en relación ao desenvolvemento do evento. Neste sentido, A ENTIDADE presenta copia do seguro de responsabilidade civil.

OBRIGAS DO CONCELLO. MECANISMOS DE ASISTENCIA TÉCNICA

A tramitación da subvención e xestión do pagamento do importe da subvención (4.000 €), tras o cumprimento dos requisitos de xustificación e conformidades necesarias.

MECANISMOS DE SEGUIMENTO DA SUBVENCIÓN. UNIDADE XESTORA

O centro xestor da subvención á ENTIDADE é a Área de Cultura do Concello de Vigo, a través do Xefe do servizo de Xestión e Promoción Cultural, a quen comunicará calquera incidencia do proxecto subvencionado.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

PAGAMENTO DA SUBVENCIÓN

O CONCELLO xestionará o pagamento á ENTIDADE polo importe da subvención outorgada ou resultante, trala entrega do informe final coa rendición da conta xustificativa; previa aprobación da achega

pola Xunta de Goberno Local, emisión dos informes técnicos, e co conforme do concelleiro-delegado da Área de Cultura.

A xustificación deberá facerse coa presentación na sede electrónica das facturas correspondentes ao gasto do proxecto ou actividade ademais deberá achegar un balance que abrangue a totalidade do gasto ou unha certificación na que se acredite que o programa ou actividade que obxecto da subvención executouse na súa totalidade e o seu custo final foi de XX.XXX euros.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

Documentación a incluír na conta xustificativa:

- Solicitud de pagamento da subvención, tendo como límite o 10 de novembro de 2024.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
 1. Programa con información sobre organización, patrocinio, colaboradores, venda de entradas, etc.
 2. Datos sobre os participantes nas actividades, número e perfil dos asistentes.
 3. Memoria de prensa.
 4. Relación de material gráfico e de difusión contendo os logotipos do Concello de Vigo.
 5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.
- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo



CONCELLO DE VIGO
Secretaría de Goberno Local

que se regula o deber de expedir e entregar facturas que incumbe a empresarios e profesionais.

- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade por tratarse a perceptora da subvención dunha entidade sen fin lucrativo e en consideración a que o importe da subvención constitúe unha das formas de financiamento para levar a cabo as actuacións inherentes á subvención e ademais non se contempla a realización de pagos a conta ou anticipados.

Gastos subvencionables:

Aos efectos previstos no artigo 29 da LXS, consideraranse gastos subvencionables aqueles que de maneira indubidable respondan á natureza da actividade subvencionada e teñan relación directa coa súa execución. **A facturación xustificativa correspondente deberá ter data do período comprendido entre o 15 de novembro do 2023 e como máximo de data dos dous meses posteriores a última das actividades financiadas.**

De conformidade co disposto no artigo 31.3 da Lei 38/2003 do 17 de novembro Xeral de Subvencións, **cando o importe do gasto subvencionable supere as contías establecidas para o contrato menor (máis de 15.000 euros nos contratos de prestación do servizo) o beneficiario solicitará como mínimo tres ofertas de diferentes provedores**, con carácter previo á prestación do servizo salvo que polas súas especiais características non exista no mercado suficiente número de entidades que as realicen, presten ou subministren ou que o gasto realizárase con anterioridade á subvención. **A elección entre as ofertas presentadas deberá achegarse na xustificación** ou no seu caso na solicitude de subvención que se realizará consonte aos criterios de eficiencia e economía **debendo xustificarse expresamente na memoria a elección cando non recaída na proposta económica máis favorable.**

Consideraranse gastos subvencionables, aqueles que respondan directa e indubidamente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

XUSTIFICACIÓN DA SUBVENCIÓN

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura. Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumplida ou defectuosamente cumprida a actividade subvencionada.

INFORMACIÓN E PUBLICIDADE

A beneficiaria deberá facilitar toda a información que lle sexa requirida pola CONCELLERÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicalo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.

REINTEGRO

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

INFRACCIÓN E SANCIÓN

En canto ás infraccións e sancións en que poida incurrir a beneficiaria da subvención e o procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

De conformidade co artigo 32.2 do Regulamento da Lei Xeral de Subvencións a achega municipal configúrase como un importe certo, entendendo que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal caso

PROTECCIÓN DE DATOS DE CARÁCTER PERSOAL

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Persoais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.



CONCELLO DE VIGO
Secretaría de Goberno Local

LEXISLACIÓN APLICABLE

A concesión da subvención rexeráse pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

JVF/me.

V. e Pr.

O ALCALDE

Abel Caballero Álvarez